

ADMINISTRACIÓN LOCAL**MUNICIPAL****GROVE, O****Persoal, oposicións***BASES BOLSA ERNESTO GODAY***CONVOCATORIA****BOLSA “ERNESTO GODAY”**

Con fundamento na Lei 7/1985, de 2 de abril de bases de réxime local, a Xunta de Goberno Local do Concello do Grove acordou aprobar a convocatoria de 1 bolsa de investigación “Ernesto Goday”.

Obxecto da convocatoria

O compromiso do Concello do Grove co recoñecemento da figura do pintor Ernesto Goday queda reflectido nas iniciativas postas en marcha nos últimos anos para manter viva a memoria do artista de máis proxección da nosa vila. Ao mesmo tempo, é responsabilidade do Concello do Grove a posta en valor do seu patrimonio artístico e cultural, colaborando con outras institucións públicas e particulares para conseguir lograr o obxectivo de manter o legado patrimonial e histórico da vila.

Por todo isto, resulta fundamental centrar os esforzos en iniciativas que contribúan ao indicado. Neste punto debemos incidir en que é preciso realizar accións de calidade e con proxección de futuro, permitindo non só a conservación do patrimonio cultural, se non que deben servir para xerar nova produción cultural.

Por todo isto, no ano 2018 o Concello do Grove decide poñer en marcha a primeira convocatoria da Bolsa de Investigación “Ernesto Goday”. Trátase dun proxecto que nace con vocación de continuidade e que busca contribuír á creación de material patrimonial vinculado coa figura de Ernesto Goday, comezando polo catálogo da súa obra e continuando con materiais divulgativos que garantan o recoñecemento a este artista e, por extensión, a artistas futuros.

A concesión da bolsa efectuarase mediante o réxime de concorrência competitiva.

BASES**1. Requisitos**

- a) Estar matriculado durante o curso 2017-2018 no último curso do Grao en Historia da Arte ou Ciencias da Cultura e Difusión Cultural, ou nalgún máster vinculado con estes estudos de Historia da Arte ou Humanidades.
- b) Ter coñecementos sobre catalogación e valoración de bens culturais.



2. Condicións da bolsa

- a) A contía da bolsa é de 3.000 euros en total (aos que se aplicarán as retencións correspondentes polos conceptos legalmente establecidos) que se librará á persoa beneficiaria por períodos mensuais vencidos, durante a súa duración, con cargo ás aplicacións orzamentarias 334.48100 e 334.16001.
- b) O período de execución da bolsa é do 1 de xullo ao 30 de setembro de 2018.
- c) A persoa que participe neste programa incluírase no réxime xeral da Seguridade Social segundo o RD 1493/2011, de 24 de outubro.
- d) Estes rendementos estarán suxeitos ás correspondentes retencións do IRPF seguindo a Lei 40/1998 do IRPF.
- e) O desfrute desta axuda será incompatible con calquera outra bolsa ou axuda financiada con fondos públicos ou privados, así como con salarios que supoñan vinculación contractual da persoa interesada.
- f) A adxudicación desta bolsa non suporá ningunha relación laboral nin contractual con esta administración local.

3. Obrigas da persoa beneficiaria

- a) A persoa beneficiaria da bolsa desempeñará o seu traballo no Concello do Grove, no lugar establecido pola Concellería de Cultura que garantirá a disposición de medios adecuados para o desenvolvemento da súa función.
- b) A persoa beneficiar terá a obriga de dedicar 35 horas semanais de luns a venres ás tarefas de localización, identificación, catalogación e vertido de datos durante todo o período da bolsa.
- c) Será cometido da persoa bolseira realizar traballo de campo para localizar obra do autor así como realizar os procesos correctos para a súa catalogación (fotografía, escaneado, procesado dixital).
- d) Deberá desenvolver o seu traballo en lingua galega.
- e) O bolseiro ou bolseira deberá realizar unha memoria final do seu traballo, que resumirá a catalogación conseguida, e que deberá entregar ao final do período da bolsa. A data límite establecida é o 15 de outubro de 2018.
- f) A persoa beneficiaria estará sometida ás responsabilidades e ao réxime sancionador que, sobre infraccións administrativas en materia de subvencións, establecidos nos artigos 52 a 69 da Lei 38/2003, de 17 de novembro, Xeral de Subvencións. O Concello poderá suspender ou revogar a bolsa concedida cando exista incumprimento das obrigas, previo informe da Comisión e audiencia á persoa interesada, reintegrándose as cantidades percibidas.



4. Descrición dos traballos

- a) Labores de localización da obra de Ernesto Goday pendente de catalogar.
- b) Elaboración das fichas de catalogación da obra segundo criterios científicos.
- c) Redacción de materiais relativos á obra de Ernesto Goday (tanto de carácter científico como con finalidade divulgativa).
- d) Creación da adecuada base de datos de materiais.
- e) Estruturación do material para a posible elaboración dun catálogo.
- f) Colaboración directa na organización do Premio Ernesto Goday de pintura.
- g) Colaboración directa co as actividades postas en marcha polo Concello vinculadas coa figura do pintor Ernesto Goday.

5. Presentación e valoración das solicitudes

- a) As solicitudes deberán presentarse no Rexistro Xeral do Concello do Grove empregando o Modelo 1, anexo a esta convocatoria coa correspondente documentación acreditativa segundo o apartado 7 destas bases.
- b) As solicitudes serán valoradas por unha Comisión formada por:
Presidente/a: Funcionario/a do Concello do Grove.
Secretario/a: Persoal funcionario do Concello do Grove.
Vocais: 3 funcionarios (municipais e/ou profesor/a da Universidade de Santiago de Compostela).
Asesor/a: un representante da Comisión de Traballo Ernesto Goday.
- c) A Comisión de valoración establecerá unha puntuación por candidato ou candidata en función dos criterios establecidos no apartado 6 destas bases, que deberá elevar á XGL, especificando o/a candidato/a e suplentes, para a súa aprobación e publicación na web municipal.
- d) Contra esa resolución da XGL poderase interpoñer recurso potestativo de reposición (art. 123 e 124 da Lei 39/2015, de 1 de outubro, do procedemento administrativo común das administracións públicas) ou, directamente recurso contencioso administrativo, no prazo de 2 meses, contados dende o día seguinte ao da notificación da resolución, de conformidade coa Lei 29/1998, de 13 de xullo, reguladora da xurisdición contencioso administrativa.
- e) Estas bases e os anuncios sucesivos publicaranse integramente na web municipal (www.concellodogrove.es).
- f) O prazo de presentación das instancias será de 10 días naturais contados a partir do día seguinte á publicación do estrato da convocatoria no Boletín Oficial da Provincia de Pontevedra.
- g) No caso de producirse unha baixa, a vacante será cuberta sucesivamente polas seguintes persoas clasificadas.



6. Criterios de valoración

- **Expediente académico (40%)**

- Valorarase a cualificación media do expediente académico no caso de estudantes de Grao (Entre 0 e 4 puntos)
- Ter realizado un máster ou posgrao relacionado con Historia da Arte ou Humanidades (1 punto)
- Estar matriculado no doutoramento (2 puntos)
- No caso de contar con outros grados ademais do requirido (1 punto)
- No caso de contar con título de máster relacionado coa convocatoria (1 punto)

- **Memoria- Plan de traballo (30%)**

- A Comisión valorará as memorias que deberán demostrar coñecementos previos sobre a figura de Ernesto Goday e especialmente sobre a súa obra, así como a aportación de propostas novidosas á hora de abordar o traballo proposto nesta convocatoria de bolsa.
- A puntuación outorgada realizarase sobre 20 puntos.

- **Formación complementaria (20%)**

- Valóranse os cursos de formación ou especialización centrados nos seguintes contidos ou áreas de coñecemento.
 - Catalogación de bens patrimoniais
 - Historia, evolución e realidade actual da arte pictórica
 - Panorama cultural galego
 - Fotografía e edición de imaxe
 - Documentación dixital e a través de novos medios.
- Establécense 2 puntos por curso de máis de 30 horas realizando un prorrateo desta valoración para períodos inferiores (ata un máximo de 20 puntos).

- **Experiencia relacionada (10%)**

- Valorarase a experiencia de carácter profesional ou investigadora adecuadamente demostrada no relativo a labores de catalogación e xestión do patrimonio.
Establecerase 5 puntos por ano a tempo completo realizando un prorrateo desta valoración para períodos inferiores (ata un máximo de 10).

7. Documentación requirida

A documentación cotexada (ou orixinais e copia para o seu cotexo) que deberán presentar as persoas solicitantes será:

- Solicitud segundo o modelo recollido no Anexo 1.
- Expediente académico do grao ou licenciatura actualizado.
- Fotocopia do título académico (para alumnos e alumnas de posgrao ou doutorado)
- Informes ou certificados que avalen a experiencia en traballo previos.
- Certificados de cursos de formación ou especialización.



Mércores, 30 de maio de 2018

Núm. 103

ANEXO 1
(MODELO DE INSTANCIA)

D./Dna. _____
con núm. DNI _____, e domicilio en _____
do municipio de _____, código postal _____
e teléfono de contacto núm. _____, e correo electrónico _____.

EXPOÑO:

Que estou informado/a da próxima convocatoria dunha bolsa de investigación “Ernesto Goday” por un período de 3 meses.

Que cumpro as condicións e requisitos dos aspirantes sinaladas nas bases da convocatoria e que, de ser o caso, me comprometo a realizar as tarefas descritas nas bases.

Polo que:

SOLICITO:

Ser admitido/a no proceso selectivo para optar á bolsa convocada.

O Grove, _____ de _____ de 2018

SR. ALCALDE DO ILMO. CONCELLO DO GROVE, D. JOSE A. CACABELOS RICO.

O Grove, a 21 de maio de 2018.

